



Bosna i Hercegovina  
Босна и Херцеговина

Agencija za  
identifikacione/identifikacijske  
dokumente/isprave, evidenciju i razmjenu  
podataka Bosne i Hercegovine



Агенција за  
идентификациона документа,  
евиденцију и размјену  
података Босне и Херцеговине

Broj: 15-03-16-5-64-33/24

Datum: 26.9.2024. godine

Na osnovu člana 61. Zakona o upravi („Službeni glasnik BiH“, br. 32/02, 102/09 i 72/17), člana 70. stav (1) Zakona o javnim nabavkama („Službeni glasnik BiH“, br. 39/14, 59/22 i 50/24) i člana 19. Zakona o Agenciji za identifikaciona dokumenta, evidenciju i razmjenu podataka Bosne i Hercegovine („Službeni glasnik BiH“, broj 56/08), direktor Agencije za identifikaciona dokumenta, evidenciju i razmjenu podataka Bosne i Hercegovine donosi

## **O D L U K U** **o izboru najpovoljnijeg ponuđača**

### **Član 1.**

Najpovoljniji ponuđač u postupku javne nabavke multifunkcionalnih uređaja, printera, faks aparata i foto-aparata objavljen na *web* Portalu javnih nabavki Bosne i Hercegovine, Obavještenje o nabavci, broj 1110-7-1-63-3-82/24, dana 16.8.2024.godine, a koji je proveden u skladu sa konkurentskim zahtjevom za dostavljanje ponuda, je **ELUR D.O.O. KISELJAK**.

### **Član 2.**

Ova odluka se dostavlja ponuđačima u roku od tri (3) dana, a najkasnije u roku od sedam (7) dana od dana donošenja.

### **Član 3.**

Ova odluka stupa na snagu danom njene objave na *web* stranici Agencije za identifikacione dokumente, evidenciju i razmjenu podataka Bosne i Hercegovine.

## **O b r a z l o ž e n j e**

Nakon provedenih aktivnosti, Komisija za provođenje postupka javne nabavke multifunkcionalnih uređaja, printera, faks aparata i foto-aparata je konstatovala da su do roka za prijem ponuda, dana 11.9.2024. godine do 10:00 sati, na pisarnicu Agencije za identifikacione dokumente, evidenciju i razmjenu podataka Bosne i Hercegovine (u daljem tekstu: Agencija), pristigle tri (3) ponude i to: EMADO D.O.O. SARAJEVO, ELUR D.O.O. KISELJAK, IPIXEL D.O.O. SARAJEVO. Neblagovremenih ponuda nije bilo.

Komisija je prema specifikaciji navedenoj u tenderskoj dokumentaciji, a nakon provedenog postupka analize i ocjene ponude, izradila Zapisnik o pregledu i ocjeni ponuda, broj 15-03-16-5-64-30/24 od 20.9.2024. godine, u kojem su detaljno obrazloženi razlozi za izbor najpovoljnijeg ponuđača.

U skladu sa navedenim zapisnički je utvrđeno da ponude ponuđača EMADO D.O.O. SARAJEVO i ELUR D.O.O. KISELJAK ispunjavaju sve zahtjeve u pogledu opisa predmeta nabavke, uslova za kvalifikaciju i tehničkih specifikacija, odnosno da su obe ponude kvalifikovane i prihvatljive u pogledu dokaza koje dostavljaju ponuđači, a dokumenti su dostavljeni na propisani način kako je to definisano tenderskom dokumentacijom.



Komisija je analizom ponuda utvrdila da ponuda ponuđača IPIXEL D.O.O. SARAJEVO nije kvalifikovana jer ponuđač u svrhu dokaza o ispunjavanju uslova iz člana 48. Zakona nije u svojoj ponudi dostavio spisak izvršenih ugovora i minimalno jednu potvrdu o uredno izvršenom ugovoru o isporuci multifunkcionalnih uređaja ili printera ili sličnih uređaja kako je traženo tačkom 3.4.1 Tenderske dokumentacije, te je dostavio izjavu iz člana 52. Zakona (Aneks 4-d) popunjenu, ali neovjerenu od strane nadležnog organa kako je traženo tačkom 3.5. Tenderske dokumentacije.

Analizom i ocjenom ponuda nakon održane e-aukcije, u postupku sa kriterijumom najniža cijena, Komisija je konstatovala da je ponuda ELUR D.O.O. KISELJAK sa ukupnom cijenom od **15.210,00 KM bez PDV-a**, odnosno **17.795,70 KM sa PDV-om** najpovoljnija, te s obzirom da ista u ekonomskom i tehničkom smislu u potpunosti zadovoljava zahtjeve ugovornog organa dala je preporuku da se donese odluka o izboru ovog ponuđača za najpovoljnijeg.

Na osnovu prijedloga Komisije odlučeno je kao u dispozitivu ove odluke.

**Pouka o pravnom lijeku:** Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog nezakonitog postupanja Agencije, a koje se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje, u roku od pet dana od dana prijema ove odluke, Kancelariji za razmatranje žalbi Bosne i Hercegovine putem ugovornog organa, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri (3).

X 

---

DIREKTOR

Prof. dr. Almir Badnjević

Signed by: Almir Badnjević

Digitalno potpisano / digitally signed